



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCXCIX. Christus manifestat Mysterium Eucharistiæ.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

rantes, ad Christum, atque ejus Amorem & Cognitionem adducere. Vestimentum Christi est Justitia Christi; hac enim Sacerdotes debent indui juxta regium Psalmen: *Sacerdotes tui induantur Justitiam* Pl. 131. v. 9. Attingere autem vestimentum, est Imitatione ita accedere vicinum, ut etiam ad eum pertingat, præsertim ad Humilitatem illius, quæ est fimbria vestimenti, & ad Charitatem, quam etiam Psalmista per fimbrias aureas intelligit Pl. 44. v. 14. de interiori Animæ ornatu loquens: *Omnis gloria ejus Filia Regis ab intus, in Fimbrijs aureis, circumamicta Varietatibus.* Denique considera, si Christi vestimentum attingere causa Salutis est, quantò magis Christum ipsum induere?

MEDITATIO CCXCIX.

Christus manifestat Mysterium Eucharistia. Joan. 6.

PUNCTUM I. Postquam Christus imminente die Paschatis, ut patet ex S. Joanne c. 6. v. 4. quinque mille viros quinque panibus & duobus piscibus abundanter refecerat, & eadem nocte mare siccis pedibus transierat, usque dum naviculam, in medio mari jactatam, conscenderet: altera die, ut notavit S. Joannes v. 22. Judæi, cum invenissent eum trans mare, dixerunt ei: *Rabbi, quando huc venisti?* Respondit eis *JESUS*, & dixit: *Amen, amen dico vobis, quæritis me, non quia vidistis Signa, sed quia manducastis ex panibus, & saturati estis.* Joan. 6. v. 25. Considera, Christum interrogatum de modo & tempore, quo per interpo-

fitum mare Capharnaum rediisset, ubi tunc docebat in Synagoga, teste Joanne v. 60. sermonem à proposita quæstione divertisse; ne, si directè ad quæstionem responderet, seipsum laudare cogeretur manifestatione miraculosi transitus. Sic non tantum occasionem nos ipsos laudandi captare non debemus, sed neque oblatâ uti: potius præclare gesta silentio tegenda sunt; quorum manifestatio plus contemptus obproditum defectum Prudentiæ, ac Humilitatis, quam honoris & æstimationis parit, præter plura alia spiritualia damna, consideratu digna.

PUNCT. II. Considera, an non, quemadmodum Judæi non propter Signa & Miracula quæsierunt Christum (pauci enim crediderunt in illum, ut Filium DEI, dicentes: *Quia hic est verè Propheta, qui venturus est in mundum.* Joan. 6. v. 14.) sed quia sperabant, optabant iterationem Miraculi de panibus; etiam à simili ratione Christum quæras, non Amore ipsius sed ex desiderio favorum & beneficiorum temporalium, ac transeuntis prosperitatis; & ideo quæras in prosperis, in adversis deseras? Examina ergo Intentionem tuam, quàm Sancta, sincera, & pura sit.

PUNCT. III. *Operamini non cibum, qui perit, sed qui permanet in Vitam æternam.* Joan. v. 27. scilicet per Opera nostra bonæ temporale nihil quæramus, sed vitam æternam; non laudem, non gratitudinem, non favorem hominum, non delectationem; sed Gratiæ, & augmentum illius, & vel maximè ipsum beneplacitum DEI, cujus Intentionem reliqua bona omnia sequuntur. Nota ergo hunc ultimum finem esse quærendum cum exclusionem prioris; sic enim utrumque, aliàs neutrum assequemur. Sicut autem

autem panis terrenus conservat vitam terrenam, sic ab eo, & ab ejus prodigiola multiplicatione, in memoriam revocatâ, atque ad faciendam Fidem mox dicendorum adductâ, Christus transferre nititur Judæorum mentem ad Panem, qui de Cælo descendit, & qui confert Vitam Cælestem, scilicet, ut per Opera bona se disponant, ac præparent ad dignè sumendum Christum sub speciebus Panis in Eucharistia. Hic ergo sit finis etiam nostrorum bonorum Operum, ut nimirum ad Panem Eucharisticum dignè, & fructuosè sumendum per illa quotidie disponamur, & sic operemur Cibum, qui permanet in Vitam æternam, sive qui manet in suo effectu, nempe in Vita æterna, per Gratiâ Sacramentalem nobis aliquando conferendâ.

MEDITATIO CCC.

Continuatio de eodem Mystério.

PUNCTUM I. Cùm inter Opera bona ad dignè & fructuosè Christum in Eucharistia sumendum ille ipse requisivisset Fidem, & quærentibus: *Quid faciemus, ut operemur Opera DEI, respondisset: Hoc est Opus DEI, ut credatis in eum, quem misit ille.* Ipsi non contenti unica panis multiplicatione, & communis panis miraculosa in vulgus divisione, majusque Miraculum de Cælo expetentes, dixerunt: *Quod ergo facis Signum, ut videamus, & credamus tibi? quid operaris? Patres nostri manducaverunt Manna in deserto, sicut scriptum est: Panem de Cælo dedit eis manducare. Dixit ergo eis JESUS: Amen, amen dico vobis: non Moyses dedit vobis pa-*